

Waut sent Mauslen?

Mauslen (uck roode Mauslen oda Rubeola jenant) es ne Enzindunk waut von dee Mauslen Virus häakempt. Daut kaun wichtje Schwierichkeiten aunbrinjen en Kjinja und groote Menschen, nochmaul kaun daut Schwolst en daut Vestaut jääwen, Lungenenzindunk un aundre Odem holen Schwierichkeiten, maurach Doot. Ve Frues en dee Schwanga Tiet waut nicht dee MMR Impf jekrääjen han, Mauslen kun to schwind ne Jeburt aunbrinjen oda een Baba kaun unajwicht sen.



Waut sent dee Tieekjens von Mauslen?

Tieekjens von Mauslen kun 7 bot 21 Doaj vääkomen von dan waut dee rom wäm jewast es oda dee Loft enholen von eene Persoon waut dee Enzindunk haft. Waut von dee Tieekjens sent Feba, schnodaje Näs, hoosten, veschleepat sennen, vedrislich sennen un roode Uagen. *Ne roode Utbruch kaun 3 bot 7 Doaj von dise aundre Tieekjens aun daut Jesecht vääkomen.* Dee Utbruch jeit dan rauf aun dän Kjarpa. Wan du dise Tieekjens kjrichts, go ve die oppoat un dien Jusundheits Vesorja kontakten.

Woo deit daut vespreden?

Mauslen sent sea äwaschlont un spreden von eene Persoon bot ne aundre Persoon von dee Flissendje Dreppen von dee Näs un Hauls von dee waut dee Krankheit haft (so aus hoosten un prusten). Dee Persoon met dee Enzindunk deit dee Krankheit daut dolste romspreden 4 Doaj ver bot 4 Doaj no däm waut de Utbruch anfängt.

Es doa ne Trietment?

Doa es nicht ne besondere Trietment ve Mauslen. Dee don Trietments jäwen tom dee Tieekjens leichta moakjen (so aus weedoaj weinja moakjen oda Feba rauf bringen). Stringe Mauslen Enzindungen sent jeeenlich en dee Hoospitälä behandeld. Mieschte Menschen kjenn Tus koascht woaren met een deel Flissendjet drinkjen, jesundet Äten äten un goot vereiwen. Ne Persoon waut doa Mauslen haft doonen see tooroden Tus bliewen, un nicht no dee Daycare, School oda Oabeit komen wääjen Mauslen so äwaschlont sent.

Wää es em Jofoa von Mauslen?

Bäbes unja 12 Monat em Ella, Kjinja, Frues en dee Schwanga Tiet un soone wua ääre Wadastaunt jääjen jewesse Krankheiten schwak es, wua see nicht jääjen Mauslen jeimpft sent, han ne jratre Jofoa von Mauslen un dee Schwierichkeiten waut doa kun bie sennen. Menschen waut doa en oda no dee 1970 jeburen sent un han nicht twee jewesse Moten von dee Mauslen Impf (MMR oda MMRV Impf) sent uck em Jofoa, uck soone waut noch kjeenmaul Mauslen jehaut han, soone waut no ne Jääjent jereist han woa ne Mauslen Utbruch es, un soone waut rom wäm jewast es waut Mauslen haft.

Wo kaun eena Mauslen vääbiejen?

Dee basta Wajch jääjen Mauslen schitzen es ve aule Menschen twee Moten von dee Mauslen Impf to han (MMR oda MMRV Impf). Dise Impf es Secha un frie ve Menschen waut en Ontario woenen, schauften oda no dee School gonen. Du kaus dee Impf von dien Jesundheits Vesorja kjrieen. Aundasch aus dee Impfen, doa sent aundre wichtje Dinja waut du doonen kaus tom die selfts un aundre beschitzen:

- Dien hoosten un prusten met een Schneppeuduak bedakjen
- Foakjen diene Henj wauschen
- Oppoat bliewen wan reisen oda wan mank ne groote Grupp sen
- Tus bliewen wan du Krank best

Waut sul eck doonen wan eck fleich Mauslen hab?

Wan du oda wää en diene Familje soone Tieekjens von Mauslen wiesen deis, daut es wichtich tom:

- Fuaz aufsondren met Tus bliewen un aundre utenstich bliewen.
- Ea du no ne KliniK oda Hoospitol foascht, fon dee, daut see daut kjenn reed moakjen ve die un ne Utbruch von dee Wirus vääbiejen.
- Do ne feine Loa waut doa fein paust wan du Dokta Bedeenunk utsieekjen deis.

Diene Jesundheits Vesorja woat die unjasieekjen ve Mauslen un woat die testen wan see jleewen daut du Mauslen hast.

